



human settlements

Department of Human Settlements
FREE STATE PROVINCE

LEFAPHA LA FREISTATA LA BODULO

**BUKANA YA TATAISO
MOLAO WA NTSHETSOPELE YA PHIHLELLO YA
LESEDI, wa 2000
(MOLAO 2 WA 2000) (“MOLAO”)**

PONELOPELE YA LEFAPHA

Bodulo bo kopantsweng le bo tswelang.

MAIKEMISETSO A MAFAPHA

Lefapha le tla ntshetsapele bodulo bo kgokahaneng, bo tswelang bo kopaneng ka ha ra Provense ya Freistata .

BOETAPELE BA LEFAPHA

Setho sa Lekgotla la Phethahatso ke **Mong. MK Makume**

Hlooho ya Lefapha la tsa Bodulo ke **Mme MM Masimene**

A. DINTLHA TSA KGOKAHANO

Mohlanka wa Lesedi: Bodulo

Mohlanka wa Lesedi ke Hlooho ya Lefapha. Dintlha tsa hae tsa kgokahano ke tse latelang:

Mme Mosa Masimene

Aterese: Phaphosi 749 OR Tambo House
cnr. St Andrews and Markgraaff Streets
BLOEMFONTEIN
9301

PRIVATE BAG X247
BLOEMFONTEIN
9300

Moh: (051) 403-3883 / 405-4727
Fekse: (051) 403-3699
Emeili: hodhs@fshs.gov.za
Websaete: www.fshs.gov.za

Motlatsa-Mohlanka wa Lesedi

Motho ya kgethilweng ho fana ka lesedi setjhabeng ke Molaodi ya ka Sehloohong: Ditshebeletso tsa Kgwebo kapa motho ya thusang mosebetsing oo. Ka hoo, ke Motlatsa-Mohlanka wa Lesedi wa Lefapha.

Adv. NG Sidzamba

Aterese: Phaphosi 1108 OR Tambo House
cnr. St Andrews and Markgraaff Streets
BLOEMFONTEIN
9301

PRIVATE BAG X247
BLOEMFONTEIN
9300

Moh: (051) 405-4647
Emeili: nomfundo@fshs.gov.za
Websaete: www.fshs.gov.za

B. KAROLO 10 YA TATAISO [*karolo 14(1) (c)*]

Molaodi wa Lesedi o tlameha ho ntjhafatsa tataiso e hlophisitsweng ke Khomishene ya Ditokelo tsa Botho. Dipotso tse mabapi le bukana ena di ka lebiswa ho:

Molaodi wa Lesedi (Afrika Borwa):

JD House

27 Stiemens Street, Braamfontein, Johannesburg, 2001

PO Box 31533, Braamfontein, Johannesburg, 2017

Emeili bakeng sa **dipotso tse akaretsang** infoereg@justice.gov.za

C. PHIHLELLO YA DIREKOTO TSA LEFAPHA

C.1 Tsebahatso e Iketsahallang

Dihlopha tse latelang tsa direkoto di fumaneha ka ho iketsa ho tswa Lefapheng mme di ka fihlelleha ho www.fs.gov.za kapa di ka fumahena ho motlatsa-mohlanka wa lesedi.

- Moralo wa Mawala
- Moralo wa Kgwebo
- Tlaleho ya Selemo le selemo
- Puo ya Ditekanyetso tsa ditjhelete ka Letona (MEC)
- Diphatlalatso
- Dipehelo tsa Ditaba

C.2 Direkoto tse ka koptjwang

Direkoto tse latelang di ka fumaneha ha ditlhoko kaofela tsa tsamaiso tse Molaong tse amanang le kopo ya phumantsho ya rekoto eo di fihlelletswa kaofela mme phumantsho ya rekoto eo e sa hanwa ka mabaka afe kapa afe a kgano a hlositsweng Molaong. Ho ka ikopanngwa le Motlatsa-Mohlanka wa Lesedi mabapi le lesedi le fetang mona ka mabaka a kgano.

- Metsotso ya dikopano
- Dipampiri tsa Letona (MEC)
- Ditharollo tse nkilweng diwekshopong le seminareng
- Ditlaleho tse phatlaladitsweng
- Ditlelebo tse fumanweng
- Meralo ya maano le mawala
- Direkoto tsa khiri
- Ditokomane tsa ditekanyetso tsa ditjhelete
- Ditokomane tsa dikopo tsa MTEF
- Memorandamo le poloko ya ditokomane

C.3 Motjha wa kopo

- Ya etsang kopo o tlameha ho sebedisa foromo e fumahenang Lesedinyaneng la Mmuso (Government Gazette).
- Ya etsang kopo o tlameha ho bontsha hore kopo ke ya khophi ya rekoto kapa o batla ho balla rekoto eo dikantorong tsa Lefapha. Kapa, ha rekoto e se tokomane, e ka shejwa ka mokgwa oo a kopileng ho e sheba ka ona, ha ho kgonahala.
- Ha motho a etsa kopo ka mokgwa o itseng o tshwanela ho fumantshwa rekoto ka ona mokgwa oo a kopileng ka ona. Ha kopo eo e dumellwa ha a tshwanela ho itshunya ho sa hlokahale tsamaisong ya Lefapha, kapa a senye rekoto eo, kapa a itshunyatshunye ditokelong tsa kgatiso tseo e seng tsa Mmuso. Ha a sa fumantshwe rekoto eo ka mokgwa oo a kopileng ka ona empa a e fumantshwa ka mokgwa o mong, tefello ha e a tlameha ho feta ya mokgwa o kopilweng pele.
- Ha eba, hodima a filwe karabo ya kopo ya rekoto ka lengolo, ha motho ya entseng kopo a batla ho arajwa ka tsela enngwe, mohl, ka mohala, sena se tlameha ho hlaloswa.
- Ha motho a etsa kopo lebitsong la motho e mong, o lokela ho fana ka maemo ao ho etswang kopo ka ona.
- Ha ya etsang kopo a sa tsebe ho bala kapa ho ngola, kapa a na le boqhwala, a ka etsa kopo ya rekoto ka molomo. Motlatsa-Mohlanka wa Lesedi o tlameha ho tlatsa foromo lebitsong la ya etsang kopo mme a mo fe khophi ya yona.
- Ho ya ka Molao, mefuta e mmedi ya ditefello e lokela ho lefshwa; e leng tefello ya kopo ya rekoto le ya phumantsho ya rekoto.
- Motlatsa-Mohlanka wa Lesedi o tlameha ho tsebisa ya etsang kopo ka lengolo la temoso, le mo kopang ho lefa tefello pele a ka tswela pele ka kopo eo.
- Ya etsang kopo ya rekoto a ka etsa boipiletso ka hare, ha ho lokela, kapa a etsa kopo lekgotleng la dinyewe kgahlano le thendara kapa le tefello ya kopo eo.
- Ka mora hore Mohlanka wa Lesedi a etse qeto mabapi le kopo eo, ya etsang kopo o tlameha ho tsebiswa ka qeto eo ka mokgwa oo a kopileng ka ona le ka ditharollo tse teng.
- Ha kopo e dumetswe, tefello ya phumantsho ya rekoto e lokela ho lefshwa jwalo ka ha e boletswe.
- Mohlanka wa Lesedi o tlameha ho araba kopo ya rekoto pele matsatsi a 30 a feta.
- Ka tlasa mabaka a itseng, Mohlanka wa Lesedi a ka eketsa nako eo ya matsatsi a 30 ha nngwe feela ka nako ya matsatsi a 30.

D. DITSHEBELETSO LE MESEBETSI YA LEFAPHA

D.1 Mefuta ya ditshebeletso

Mesebetsi ya Lefapha ke e latelang:

- Taolo ya Diprojeke tsa Kaho ya Matlo le Ditshebeletso tsa Setekgniki
- Ntshetsopele ya Leano la tsa Kaho ya Matlo, ho Rala le Dipatlisiso
- Kontraka ya tsa Kaho ya Matlo le Taolo ya Thepa
- Bokgoni ba tsa Kaho ya Matlo le Tshebedisano
- Phumano ya Lesedi le Ditsehebeletso tsa Phumano ya Lefatshe
- Taolo ya Lesedi le Ditshebeletso tsa Tlhokomelo ya Basebeletswa
- Dithuso tsa Ditjhelete ho tsa theko ya matlo le Ntshetsopele
- Ditshebetso tsa Matlo a Batho
- Kaho ya tsa Matlo a setjhaba le Khiri ya ona

D.2 O ka fumana ditshebeletso tsena jwang

Ho fumana ditshebeletso tsa Lefapha, dikopo di tlameha ho etswa ho Hlooho ya Lefapha kapa Mohlanka-Motlatsa wa Lesedi.

E. DITLHOPHISO TSA HO DUMELLA SETJHABA HO BA LE SEABO HO RALWENG HA LEANO LE TSHEBEDISO YA MATLA.

- Matsholo, jwalo jwalo, a hlophiswa ka nako e itseng Provenseng ka bophara. Sepheo ke ho kopana ha mmuso wa provense le baahi sefahleho le sefahleho ho hlalosa le ho ikarabella ho maano, mananeo le diprojeke.
- Ho ya ka Molao le Ditaello tsa Lekgotla la Ketsamelao la Provensi, Molao o phatlalatswa setjhabeng bakeng sa diphehiso le ditshisinyo tsa setjhaba pele o ka thehwa. Setjhaba se fuwa monyetla wa ho ngola dipehelo tsa sona kapa ho hlahella ka pela dikomiti tsa mesebetsi e fapaneng.
- Molao e fapaneng ya provensi e dumella baahi ho thonya ditho tse tla sebetsa dikomiting tse itseng. Baemedi bana ba ka ba le seabo diqetong tse tla nkuwa.
- Ho ya ka Molao wa Ntshetsopele ya Tsamaiso ya Toka, wa 2000, ha ho ralwa melawana, setjhaba le sona se memelwa ho tla tshwaela ditabeng tse amang ditokelo tsa bona.
- Hlasela-TV e hasetswa boemafofane, dipetlele le dibakeng tse ding tsa setjhaba moo lesedi le mabapi le tsa mmuso wa provensi le fuwang setjhaba teng.
- Baphatlalatsi ba ditaba ba sebedisetswa ho fana ka lesedi setjhabeng.

F. DITHAROLLO TSE TENG HA DIPEHELO TSA MOLAO ONA DI SA LA TELWE

Ya etsang kopo a ka etsa boipiletso ba ka hare kgahlano le qeto ya Motlatsa Mohlanka wa Lesedi ho Letona kapa ho motho ya kgethilweng ke Letona. Ya etsang kopo a ka kenya tletlebo ho Molaodi wa Lesedi ha a se a qetile ka ditsamaiso tsohle tsa ka hare tsa boipiletso. Tletlebo eo e tlameha ho fetiswa nakong ya matsatsi a 180 ha qeto e se e nkuwe. Ho feta moo, motho ya etsang kopo a ka etsa kopo ya thuso e loketseng ho lekgotla la dinyewe ka mora hore a hlolehe ho fumana thuso ya tsamaiso ya ka hare. Ho na le pehelo ya ditefello bakeng sa tshebetso ena.

G. HO SEBETSANA LE LESEDI LA LEKUNUTU

1. Morero wa tshebediso ya lesedi la lekunutu

- (a) Ho laola ditshebeletso tsa basebetsi;
- (b) Ho laola phumantsho/ditheko le ditjhelete tsa Lefapha;
- (c) Ho laola tshebetso ya dibasari bakeng sa baithuti ba ka hare le kante ho naha;
- (d) Ho laola phihlello kapa ho kena diofising tsa Lefapha;
- (e) Ho bokella lesedi la mokgwa wa dikgokahanyo e le ho ikopanya le ho buisana le baamehi;
- (f) Ho netefatsa boitsebiso e le ho kgothaletsa tsamaiso e ntle le phumano le thibelo ya bobodu, tlolo ya molao, manyofonyofo kapa tshebetso e sa lokang;
- (g) Bakeng sa mabaka a bohlakisi le a poloko direktong;
- (h) Ho tlaleha ho dikomiti tsa boleko le mafapha a mmuso boemong ba naha;
- (i) Ho boloka lesedi la dipalopalo bakeng sa dipatlisiso;
- (j) Mabapi le dinyewe tsa molao le dikeletso tsa molao

Lefapha le tla sebedisa lesedi lena la lekunutu feela ka mabaka ao le nketsweng ona le ao ho dumellanweng ka ona le monga lona. Ho feta moo, ha ho hlokeha, lesedi la hao le tla bolokwa bakeng sa mabaka a amanang le molao, bohlakisi kapa dipatlisiso.

2. Ho phatlalatswa ha lesedi

Lefapha le ka phatlalatsa lesedi la lekunutu ho bafani ba ditshebeletso ba tlisang dihlahiswa kapa ditshebeletso tse itseng, mohlala, ho elwa hloko phomolo ya bofokodi ya nakwana kapa ditshebeletso tsa lesedi la theknoloji. Lefapha le dumella ho kengwa ha dipehelo ka tumellano le bafani ba ditshebeletso ho laola lekunutu la lesedi.

Ho feta moo, Lefapha le ka fana ka lesedi lena la lekunutu ho dikomiti tsa boleko le mafapha a mmuso a naha, bohlakisi ba kante, matlole a ditjhelete tsa dipenshene, ditho tsa komiti ya bohlakisi le makala a phethahatso ya molao.

Lefapha le kanna la phatlalatsa lesedi la lekunutu:

- (a) Moo ho hlokehang kapa ho na le tokelo ya ho phatlalatsa lesedi lena ho latela molao kapa ka taelo ya lekgotla la dinyewe;

- (b) Ho latela Molao wa Kgothaletso ya Pihlollo ya Lesedi, wa 2000 (Molao wa 2 wa 2000). Ba etsang dikopo ba tlameha ho latela melawana ya dikopo ho latela Tataiso ya PAIA e teng websaeteng kapa ba ikopanye le Mohlanka wa Lesedi kapa Motlatsa-mohlanka wa Lesedi. Kopo ya pihlollo ya mofuta o jwalo e tla lokela ho lefella tjelele e loketseng;
- (c) Moo ho hlokehang ho sireletsa ditokelo tsa Lefapha.

3. Phallo ya lesedi kante ho meedi

Ka maikemisetso a ho tshehetsa mananeo a Lefapha a matjhaba a dibasari, lesedi la lekunutu la baithuti le ka arolelanwa le Lefapha la Ditaba tsa Matjhaba, Matlo a boemedi, Diyuvesithi, Bafani ba Ditshebeletso ba fanang ka ditshebeletso tse na ho baithuti. Ho feta mona, lesedi la lekunutu la basebetsi le basebetsi ba dipolotiki ba tshwereng ofisi le ka arolelanwa le Lefapha la Ditaba tsa Matjhaba, Matlo a Boemedi, Bafani ba Ditshebeletso ha batho ba mofuta o jwalo ba tswela kante ho naha ka ditaba tsa mosebetsi. Tumello ho tswa ho batho bao e lokela ho fumanwa.

4. Tshireletso ya lesedi

Lefapha le tlameha ho fana ka tshireletso e lekaneng bakeng sa ho thibela lesedi lena ho fihlellwa le ho sebediswa ke mang kapa mang ntle le tumello. Ka hoo, Lefapha le itlamme ho lekolabotjha mekgwataolo ya tshireletso le mekgwa e amanang ho netefatsa hore lesedi lena la lekunutu le dula le sireletsehile. Se latelang se bohlokwa/ntlheng ena:

- (a) Tshireletso ya sebaka
- (b) Tshireletso ya khomputa le marangrang
- (c) Tsamaiso ya direkoto
- (d) Dipatlisiso tsa diketsahalo tsa tshireletso
- (e) Ho kenyelletswa ha dipehelo ka hara dikontraka ho laola lekunutu la lesedi

5. Tokiso ya lesedi

Batho ba ka kopa ho ntjhafatsa, ho lokisa kapa ho hlakola lesedi lefe kapa lefe la lekunutu. Lefapha le tla hloka bonyane khopi ya Tokomane/Karete ya boitsebiso e netefaditsweng ho netefatsa boitsebiso ba motho ya kopang, pele ho ka etswa diphethoho tsa mofuta ofe kapa ofe dintlheng tsa lesedi la hae la lekunutu, ha ho hlokeha kapa molao o dumela. Lefapha le sebetsa ka thata ho netefatsa hore lesedi la lekunutu le nepahetse le ho bolokeha ka nako tsohle.

H. NTJHAFATSO YA LESEDI LA BUKANA ENA

Ha ho hlokeha, Lefapha le tla ntjhafatsa lesedi la bukana ena.

I. PHUMANEHO YA BUKANA

Bukana ya Lefapha e fumaneha ka mokgwa o latelang:

- Khopi ka puo tse tharo tsa semmuso (Sesotho, English le Afrikaans) e tla fumanwa Ofising ya Motlatsa-mohlanka wa Lesedi.
- Bukana ena e fumaneha websaeteng ya Lefapha ho freestateonline.fs.gov.za.